

**HOROLOGIUM  
MARIANUM**

Septem horis  
**CONCEPTÆ ABSQUE MACULA  
VIRGINI,**

Dcantatis,  
**JAM OLIM DISTINCTUM:**

**NUNC VERO  
TOTIDEM PARODIIS  
METRO SAPPHICO  
DONATIS ILLIGATUM.**

**ACADEMIÆ MARIANÆ**  
In Collegio Califfiensi Soc. JESU,

**AD IPSAM  
TRIENNII  
PHILOSOPHICI METAM,  
SACRUM, DICATUMQUE.**

Anno Domini 1643. Mense Junio,  
Die 17.

## PARODIA I.

## ODE XCIII.

Jam renascenti pudefactus ore  
Siderum lætas inhibet choreas;  
Jam patri jungi Phaëron curules  
Imperat horas.

Jam vagâ fratrem fugiente Lunâ  
Antè venturi rubet ora Phæbi  
Manè, stillato madefacta potans  
Jugera rore.

Jam MARIANÆ duplicata laudi  
Æra vocali sonuère pulsu.

Jo! surgamus! properat fugaces  
Hora quadrantes.

Surgimus, Virgo; simul hinc, & inde  
Labra divinis animata labris  
Ad tuas læti solito vocamus  
Carmine laudes.

Jamque te MUNDI DOMINAM sonoro  
Dicimus cantu: tibi prona servum  
Sceptra dat cælum; Tibi subjugatus  
Militat æther.

O nihil tacti retinens pudoris  
Virginum Virgo! tibi nata solis  
Antelucano cupiit probari  
Stella sereno.

Te, licet natae genitrix vocaris  
Gratiæ, pienam tamen Orbis audit:  
Tu DEI clarum jubar; increatae  
Gloria lucis!

O relapsuro citò profuturas  
Fer manus orbi; celerique pigras  
Et moras curru, simul & morantes  
Corripe nubes.

Te DEUS quondam semel elocuto  
Fertilis VERBO Pater; ante natas  
Temporum cunas nec adhuc adulti  
Lumina Solis,

Vir-



Virginem Virgo geniti parentem  
 Ordinat VERBI, juga quo patentis  
 Condidit terræ ; mare quo suis in-  
   fudit arenis ;

Quo recens natas cohibente stellas  
 Te sibi pulchram melior maritus  
 Addidit sponsam ; vacuans nocentis  
   Crimen Adami.

Te præelectam sibi fecit olim  
 Inter ingentes habitare stellas ;  
 Laxa te subter refovens sui ten-  
   toria cæli.

Hæc ubi junctis tibi ritè palmis  
 Diximus , Virgo , pudor innocenter  
 Vulnerat cælos , roseisque pingit  
   Nubila plagis.

Te simul, Virgo juga , Te caduci  
 Ebricæ roris sonuere valles :  
 Te recens festis volucrum salutat  
   Mane querelis.

## PARODIA II,

## ODE XCIV.

**I**Nterim primâ juvenis favillâ  
 Celsa per primam juga scribit Horam  
 Phæbus & totum jubar in minores  
   Contrahit umbras.

Si tuam nobis , bona Virgo , dextram,  
 Et salutare ope faustiori  
 Porrigis parmas ; Tibi noster ultrò  
   Occidet hostis.

Tum ter acclini redeunte collo,  
 Unicum in Trino , gracili Tonantem  
 Voce placamus ; solitos precati  
   Laudis honores.

Ac simul grato variante cantu,  
 Virgo clamavis SAPIENS ; sequestri

Te canunt colles, tibi replicata

Accinit Echo.

O DEO quondam DOMUS incolens

Gratior nosci! DOMUS altiore

Dignior pinnâ! tibi cedit alti

Regia cæli.

Digna septenis Domus in columnis

Altius tolli; tibi larga casto

Sternitur limo; tibi mensa vivo

Pane redundat.

Te profanati geniale mundi

Præterit crimen. tibi Diva dandam

Sanctitas vitam prærit illibati

Præscia partus.

Te suam, quisquis meliorem vitam

Prorogat censu, geminat Parentem.

O minus claudi facilis sacrorum

Porta Quiritum!

Læta si mæstus tegit ora Titan;

Protinus, Virgo; nova stella nobis

Ex Jacob surgis; placidâque findis

Nubila timâ.

Te leves picti volucres Olympi

Ritè submissis venerantur alis;

Te suam prohus Dominam vocari.

Gaudet Olympus.

Jure pallentis Zabuli sacratus

Diceris terror; tibi namque Virgo

Hinc, & hinc surgunt populosa firmis

Cornua castris.

Quo-mari posthac mea-cumque nabit

Cymba; securum mihi *Navis* ipsa

Exhibe portum, pia Christianis

Ripa phasellis.

Ipsè te quondam Pater administrò

Spiritu; Virgo, creat; ipse quondam

Te, redundantis maris instar, omnem ef-

fudit in oram.

PARO-



## PARODIA III.

## ODE XCV.

Sed nec Afræo vacuus duello  
Tertiam nobis vehet axis horam;  
In Marianas mea fila rursum

Surgite laudes,

O perennanti laqueata Cedro,  
Digna legalis radio coronæ!  
O semel pacti meliör vocari

*Federis Arca!*

Tu *Thronis* vivo Salomonis auro  
Inter ardentes radiare gemmas  
Diceris; tutò super excubantes

Stare leones.

Te repercussis immitata flammis  
Splendidè fuso micat Iris igne;  
Dum colorati varius relucet

*Ætheris arcus.*

Quin nec aspecti prohibes Tonantis  
Te Rubum dici: licet hinc & illinc  
Te pene circumstrepant innocentis

Ira favillæ

O DEO florens superisque virga  
Dignior pratis! tibi rorat olim, &  
Lenè ficcatur Gedeonis udo

Vellus in agro.

O serâ casti celebrem Pudoris  
Nubinis Portam! cui stillat omni  
Desluus cellâ favus in perempti

Ore Leonis.

Jure te Sanctus, genialis, olim  
Consciam noxæ cavet esse Natus;  
Cui puer quondam DEUS hospitalem

Incolet alvum.

O licet summo supereminere  
Diceris calo; licet in columnæ

Tortilis morem tibi sponte nubes  
 Bajula sacrum  
 Aureos inter superum recessus  
 Fert thronum, Virgo; tamen usque pronam  
 Applicans aurem, facilisque nostris  
 Annue votis.

## PARODIA IV.

## ODE XCVI.

**F**Allor? an sextam mihi dixit horam  
 Æs recensendos vigil in quadrantes;  
 Quod frequens circum rota temperato  
 Dirigit axe?

Si tibi nostram liceat salutem  
 In preces ductis geminare votis;  
 O parens, quondam pueri Tonantis  
 Arbitra, salve!

Te velut votum tibi servat una  
 Trinitas Templum: Tibi prona Divum  
 Alitum pubeſ amat expeditis  
 Claudere pennis.

O semel votæ sacra Castitatis  
 Cella, quam sanctus Pudor arctiori  
 Pessulo eludit; pia tristioris  
 Gaudia mundi!

Hic ubi picto petulans vireto  
 Aura colludit; tibi surgit almæ  
 Hic voluptatis, liquidasque repit  
 Hortus in auras.

Hic ubi lætas fugiunt per herbas  
 Virgines rivi; patiens gravari  
 Hic tibi nutat, viridique fulget  
 Palma sereno.

Ast ubi celsum caput inter ipsas  
 Promovet nubes Libanus, refusa  
 Hic tibi Cedrus speciosiores  
 Porrigit umbras.



O vetustorum benedicta quondam  
Terra mystarum ! cui virginales  
Præterit sulcos gravior paterni

Culpa reatus.

Et licet Summi celebris Monarchæ  
Civitas audis , cui celsa ductum  
Sepiunt vallum , & decies reversos

Mœnia muros.

Tu tamen nobis Orientis alma  
Porta pandêris , licet in viarum  
Nubium servet vigil obseratos

Ultio postes.

Jure supremâ prece singularis  
Audies Virgo ? tibi namque sacram,  
Et rudem vinci cumulavit omnis

Gratia mentem.

Tu velut castum decorat severas  
Lilium spinas ; recreas nocentis  
Filiæ Adæ , foliisque densos

Protegis hamos.

## PARODIA V.

### ODE XCVII.

Jam supinatas minor inter umbras  
Phæbus in nonam sobolescit Horam.  
Jam fatigatus tepidâ dies re-

spirat in umbrâ

Nosque dum lætæ fuga mussat auræ,  
In crucem ductam tibi , Sancta , dextram  
Cogimus , Virgø ; modò tu petatum in-

tende juvamen.

En tibi junctis reverenter ulnis,  
Pectus & celsam cruce frontis arcem  
Ritè signamus , similique scripti

Brachia signo,

Gloriam Patri canimus, suoque  
Gloriam nato ; licet hic , & ille

Invicem

Invicem spirent sibi par sacratio  
Flamine Numen.

O fugatorum facilis nocentum  
Urbs ! nos vitæ , propriæque quondam  
Conscios noxæ , patulis clientes  
Excipe portis.

Quin & armato sinuata clivo  
Emines Turris , cui grande David  
Robur , & firmis dedit alta propu-  
gnacula muris.

Quà repercussi radius Phanetæ,  
Dum levis puro Jove ridet æther,  
Et timens vinci jubar in politis  
Palpitat armis.

Te celer primos Amor inter ortus  
Splendidis castæ radiis favillæ  
Uffit illustrem ; teneroque parvam  
Induit igne.

Tunc licet nullo gravis in cothurno  
Et minus firmis solidata plantis,  
Subdolum Diti caput , & superbos  
Conteris artus.

Te , simul vitam Syriis in uno  
Amputans collo , famulis adorat  
Laureis Judith ; tibi cedit altos  
Sponte triumphos.

O fovens verum sine labe David,  
Virgo Jessæi bona virga trunci !  
Se tibi sacras Sunamitis ultrò  
Sternit ad aras.

Qui Thetin Nilo , Pharizæque mundum  
Prætulit terræ , simul & Josepho  
Prætulit JESUM , simul & Racheli  
Ille MARIAM.

Jure te totam canit esse pulchram,  
Quisquis optatâ tibi spirat aurâ ;  
Namque te primo geniale probrum  
Fugit in ortu.



## PARODIA VI.

## O D E XCVIII.

**C**ur mihi scriptas stylus alter horas  
 Sæpè promotis variabit umbris?  
 Ite, nil obstat, procul, inquieti

Ite quadrantes.

Tu mihi posthac, bona Virgo, certas  
 Divides horas. tibi veriores

Phæbus horarum Pater hinc & inde

Prænotat umbras.

Quin ut æternum reverente VERBUM

Carne vestires; decimam reversus

Lineam Phæbus facilesque retrò

Flexit habenas.

Sic & infernis homo de lacunis

Altius surgit; sociisque junctus

Angelis paulò minus eminenti

Cedit honore.

O ab æterni radiis Phænæ

Virgo contextâ radiata pallâ!

Te vigil Titan mediam sereno

Palliat auro.

Cum tuum fixo attonitus stupore

Volvo Conceptum; mihi te pudicam

Tollis Auroram, quoties diurnas

Excitat horas.

Hic tibi, Virgo, magis innocenti

Candidum lino, licet in molestis

Lilium spinis, hiat alba casto

Oscula labro.

Tu sacram nato gravidante plantam,

Arduum presso Sægis in cerebro

Pondus assurgis; grave subjugati

Pondus Averni.

Si quis adversas vagus inter umbras

Errat; albentes radios honesto

Comis

Comis argento ; niveoque Lunam  
Allinis igne.

O perennantis cynosura lucis!  
Tu ream noxx nebularum amictu  
Protegis terram , tenuique celas  
Crimina nube.

At simul densâ comitatus umbrâ  
Siderum vivas superis lucernas  
Vesper in rimis , nimiosque labi  
Suscitat ignes.

Jamque te nostris canit evocata  
Barbitis Echo ; tibi , Virgo , fessus  
Se dies sternit ; tibi ducit altas  
Luna choreas.

Meque vocales imitatus inter  
Montium clivos tibi lætiores  
Vesper applausum dedit ; o sequestri  
Gloria veri!

Te sibi tutis hilares sub umbris  
Garriunt stellæ ; tibi mitigatus  
Lene suspirat Notus , & quietis  
Dormit in alis.

## PARODIA VII.

### O D E XCIX.

U<sup>L</sup>timus nostræ labor est Camænx ,  
Ut levem molli comitante cantum  
Tibiâ , nuper tibi , Virgo , votas  
Completat horas.

O tuis suetus precibus vocari,  
Nos ad æternæ propylæa lucis,  
Virgo , convertat DEUS , & severam  
Exuat iram.

Tuque festinum dominâ juvamen  
Annuens dextrâ ; graviore nostri  
( O Stygis justus timor ) hostis iram  
Stringe catenâ.

Tunc



Tunc ter inflexi capitis minores,  
 Cum paraclero simul æviternam  
 Et Patri, & Nato, solito canemus

Carmine laudera.

Jamque votivam tibi sæpè SALVE,  
 Nobilis Virgo, canit hinc reclinis  
 Et pedum plebes minor, hinc reductis

Vesper in antris.

Castra sis Virgo licet; illibata  
 Audies mater, cui se maritus  
 Siderum Patris pudor innocenti

Junxerat igne.

Jure submissis pedibus propinquo  
 Cernui collo tibi comitatis  
 Addimus sceptrum, melior sacri Re-

gina Favoris.

Nam tibi sparsoꝝ sine lege crines  
 Hac refrænari licuit coronâ,  
 Quam superfusus vigil e Planetis

Texuit æther.

Jure formosæ face puritatis  
 Virgines picti superas Olympi  
 Angelos; nullo maculata quondam

Crimine Mater.

Jure supremi dominam Monarchæ  
 Occupas ausu meliore dextram;  
 Ardet è puro tibi namque palla

Sutis auro.

Per tuas ergo gravis educatæ  
 Gratia Mater; sacra seu reorum  
 Ara confurgis, bona seu rei fi-

ducia mundi:

Seu graves moti maris inter iras  
 Stella lustraris trepidis patronum  
 Naufragis portum, placitosque præbens

Ætheris ignes.

Sive conclusi referas patentem  
 Januam cæli, tremulisque pacem

Impe-

Imperans morbis, querulo salutem  
 Dividis ægro;  
 Per tuas, inquam, pia Virgo, curas,  
 Hic ubi vivi patet aula cæli,  
 Unicum & Trinum videam propinquæ  
 Luce Tonantem.  
 Hic ubi sudo liquidum sereno  
 Balsamum fulget; mihi suavè fragrans  
 Nomen effundis; tibi quisque sacro  
 Ardet amore,

## DEDICATIO.

### ODEC.

Supplices, *Virgo pia*, destinatum  
 Solvimus pensum; tibi mancipatæ  
 Annunt horæ, famuloque servit  
 Hesperus ortu.

Fac ut humani via longa tractus  
 Prospero nobis faveat cothurno,  
 Fac ut æterni, duce te, patefcant  
 Semita cæli.

Dumque supremi series Agonis  
 Urserit fontes, ope tu Patrona  
 Territis adsta, dubiamque præfens  
 Erige luctam.

O Hymetteo melior liquore,  
 Quem sub Hyblæis coquit Æna clivis.  
 O favo dulcis mage, cælicoque  
 Nectare Virgo!

Jamque nocturnis oculata stellis,  
 Cælici somnum fuga suadet orbis.  
 Jamque decrefcit tibi nostra pronò  
 FINE Camæna.

A. M. D. G. B. V. M. H.